



## Fréttir af verkefninu og staða framkvæmda

- **Fjármála – og efnahagsráðherra skoðar verkframkvæmdir**
- **Jarðvinna vegna bílakjallara undir Sóleyjartorg**
- **Jarðvegsframkvæmdir vegna tengiganga til suðurs úr meðferðarkjarna**
- **Jarðvegsframkvæmdir fyrir nýjan meðferðarkjarna**
- **Bílastæði norðan við Eirberg**
- **Jarðvegsframkvæmdir sunnan við Eirberg**
- **Lokafrágangur við gerð nýrra bílastæða við vesturgafi Gamla spítala.**
- **Gerð nýrra bílastæða austan við Læknagarð**
- **Sýnið varúð við akstur í námunda við vinnusvæði meðferðarkjarnans**

## Fjármála – og efnahagsráðherra skoðar verkframkvæmdir



Bjarni Benediktsson, fjármála - og efnahagsráðherra, kynnti sér í vikunni stöðu Hringbrautarverkefnisins og skoðaði að því tilefni jarðvegsframkvæmdir við byggingu nýs Landspítala við Hringbraut.

Auk ráðherra voru fulltrúar frá fjármála – og efnahagsráðuneytinu, frá stjórn NLSH ohf., framkvæmdastjóri Hringbrautarverkefnisins auk aðalverkefnastjóra FSR á verkstaðnum.

### Jarðvinna vegna bílakjallara undir Sóleyjartorg



Jarðvegsvinnu við grunn bílakjallara miðar vel áfram.

Bílakjallarinn verður staðsettur undir Sóleyjartorgi, austan við meðferðarkjarna, sunnan við Gamla Spítala.

Vinna við grunn bílakjallarans tengist beint vinnu við grunn meðferðarkjarnans og einnig framkvæmdum við akstursleiðir sunnan við Eirberg.

Búið er að losa um 85% af heildarmagni efnis fyrir meðferðarkjarna og bílakjallara og stefnt að því að þeirri vinnu muni ljúka í apríl 2020.

(Sjá nr. 1 á korti)

## Jarðvegsframkvæmdir vegna tengiganga



Úr meðferðarkjarna til suðurs koma tengigangar í nýtt rannsóknahús sem mun rísa á lóð Landspítala.

Unnið er í bergskeringu fyrir tengigöngunum sem þvera Burknagötu. Um er að ræða fjóra tengiganga sem liggja úr meðferðarkjarna og yfir í byggingar sem rísa munu sunnan við Burknagötu. Efnið úr bergskeringunni verður ekki fjarlægt í þessum áfanga heldur mun það tilheyra uppsteypu verkþættinum að vinna það verk.

(Sjá nr. 2 á korti)

## Jarðvegsframkvæmdir fyrir nýjan meðferðarkjarna



Vinna við grunn nýs meðferðarkjarna gengur vel og er langt komin. Einungis er eftir að vinna við sprengingar við tengiganga til suðurs og við frágang á grunni við hreinsun og við að styrkja bergið í grunninum. Öll óviðkomandi umferð um framkvæmdasvæðið er bönnuð og svæðið vaktað til að auka öryggi vegfarenda.  
**(Sjá nr. 3 á korti)**

---

## Bílastæði norðan við Eirberg



Norðan við Eirberg og geðdeildarhús hafa verið tekin í notkun ný bílastæði. Búið er að ljúka við hellulögn meðfram norður og vesturvegg geðdeildarhúss en vegna veðurs hefur ekki verið hægt að ljúka við gerð hellulagðra eyja sem mynda munu gönguleið þar sem keyrt er inn á stæðin. Gönguleiðin hefur því til bráðabirgða verið mörkuð með keilum. Gjaldskylda er hafin á stæðunum sem eru ætluð fyrir sjúklinga og aðstandendur.

**(Sjá nr. 4 á korti)**

---

## Jarðvegsframkvæmdir sunnan við Eirberg



Jarðvegsframkvæmdir á svæðinu sunnan við Eirberg og geðdeildarhús standa enn yfir. Búið er að malbika hluta bílastæðis G og áfram er unnið við gerð bílastæðis H sem er sunnan við geðdeildarhús ásamt því að klára götu 5 sem tengir saman Burknagötu við bílastæði G og H.

Svæðið er enn lokað og er starfsmönnum og gestum Landspítala bent á að nota bílastæðin sunnan við Burknagötu meðan á framkvæmdum stendur.

Reiknað er með að bílastæði G og H verði komin í notkun um miðjan febrúar og þá muni verktakinn færa sig yfir í vinnu fyrir framan inngang að geðdeildarhúsi og til vesturs meðfram Eirbergi. Í þeim áfanga verður gatan meðfram Eirbergi að vestanverðu lækkuð ásamt bílastæði sem er núna vestan við Eirberg. Áætlað er að þeim framkvæmdum verði lokið í byrjun apríl.

**(Sjá nr. 5 á korti)**

---

## Lokafrágangur við gerð nýrra bílastæða við vesturgafi Gamla spítala.



Verið er að vinna við lokafrágang við ný bílastæði við vesturgafi Gamla Spítala og stefnt er að því að hellulögn ljúki í lok febrúar en það er háð veðri. Búið er að taka bílastæðin í notkun.

Bílastæðin eru fyrir sjúklinga og aðstandendur þeirra og eru gjaldskyld.   
**(Sjá nr. 6 á korti)**

## Gerð nýrra bílastæða austan við Læknagarð



Búið er að ljúka við gerð bílastæða austan við Læknagarð. Um er að ræða 70 bílastæði sem hafa verið tekin í notkun.   
**(Sjá nr. 7 á korti)**

## Sýnið varúð við akstur í námunda við vinnusvæði meðferðarkjarnans.



Akstur vinnutækja inn á vinnusvæði meðferðarkjarnans er frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönnum er bent á að sýna aðgát við akstur á svæðinu.

Allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.   
**(Sjá nr. 8 á korti)**

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:  
Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)